

मार्निंग डोगरी न्यूज बुलेटिन, समें. 09.20 Hrs

<><><><><><>

### Headlines

- 1- लेफ्टिनेंट गवर्नर मनोज सिन्हा होरें आखेआ ऐ जे जम्मू-कश्मीर अज्ज मुख्य च कामयाबी दी नमीं इबारत लिखा करदा ऐ।
- 2- केंद्र सरकारें जम्मू-कश्मीर डेमोक्रेटिक फ्रीडम पार्टी पर 5एं बरें लेई पाबंदी लाइ दिती ऐ। डीजीपी दिलबाग सिंह होरें आखेआ ऐ जे सुरक्षाबल, जम्मू कश्मीर थमां आतंकवाद गी भलेआं खत्म करने लेई बचनबद्ध न।
- 3- मुख्ख सचिव डाक्टर अरूण कुमार मेहता होरें आखेआ ऐ जे प्रदेश च छड़े काबल नौजवानें गी गै सरकार नौकरियां मिलडन।
- 4- आई.सी.सी विश्व कप 2023 च न्यूजीलैंड नै कल शुरूआती मैच च इंग्लैंड गी 9 विकटें कन्नै हराई दिता। अज्ज पाकिस्तान दा मकाबल नीदरलैंड कन्नै होग।

<><><><><><>

### LG

उपराज्यपाल मनोज सिन्हा होरें आखेआ ऐ जे जम्मू-कश्मीर अज्ज मुख्ये च कामयाबी दी नमीं इबारत लिखा करदा ऐ ते प्रदेश च हर खेतर च होआ करदा आर्थिक विकास लोके दे जीवन च बेहतरी आहन्ना करदा ऐ। एल.जी होर बन्ने आले जिले कुपवाड़ा च कल इक सार्वजनिक कार्यक्रम गी संबोधित करै करदे हे। इस मौके पर 26 करोड़ 84 लक्ख रपे मुल्लै

दिएं परियोजनाएं दा उद्घाटन करदे होई श्री सिन्हा होरें आखेआ जे केईं दहाकें तोड़ी अनदिक्खी दा शिकार होने मगरा कुपवाड़ा ते केइं होरनें जिलें गी विकास दी मुखधारा कन्ने जोड़ेआ गेआ ऐ। एल.जी होरें फौज दी हेडक्वार्टर 28 इंफेंटरी डिविजन कुपवाड़ा च वज्र युद्ध स्मारक पर शहीदें गी श्रद्धांजलि अर्पित कीती। उनें आखेआ जे राष्ट्र दी एकता, अखंडता ते सप्रभुता दी राक्खी लेईं स्हाड़े दलेर जवानें दी निश्ठा ते जज्बा बेजोड़ ऐ।

<><><><><><>

DGP

जम्मू-कश्मीर पुलसा दे डरैक्टर जनरल दिलबाग सिंह हेरें आखेआ ऐ जे होरने ंसुरक्षा एजेंसिएं कन्ने तालमेल बनाइयै कम्म करदे होई जम्मू-कश्मीर पुलस प्रदेश च आतंकवाद गी जड़ थमां खत्म करने लेईं बचनबद्ध ऐ। उनें इब्बी आखेआ जे पुलस प्रदेश दे लोकें गी बेहतर ते सुरक्षित माहौल उपलब्ध करेआने लेईं बी बचनें बज्जी दी ऐ। कल अनन्तनाग च पुलस, फौज ते केंद्री थेहारबंद पुलस बलें गी संबोधित करदे होई डीजीपी होरें आखेआ जे जम्मू-कश्मीर पुलस दे जत्नें दी बदौलत प्रदेश च रमानदारी गी बल मिलेआ ऐ। दिलबाग सिंह होरें जम्मू-कश्मीर दे लोकें गी अपील कीती ऐ जे ओह पाकिस्तान दे षड़यंत्र बारै खबरदार रौहन की जे ओह प्रदेश दे रमानदारी आले माहौल गी खराब करने दे लगातार भैड़े जत्न करै करदा ऐ। उनें नशीले पदार्थे खलाफ लड़ाई च होर तेजी आनने दे निर्देश दिते ते आखेआ जे स्हाड़ा गोआंडी मुख्य आतंकवादी गतिविधिं ते नौजवानें गी नुकसान पुजाने लेईं नशीले पदार्थे दा इस्तेमाल करै करदा ऐ। तोआई केंद्री गृह मंत्रालय नै जम्मू-कश्मीर डेमोक्रेटिक फ्रीडम पार्टी गी 5एं बरें दी अवधि लेईं गे

कनूनी संगठन घोशत करी दिता ऐ। कल जारी इक अधिसूचना च गृह मंत्रालय नै जे.के.डी.एफ.पी गी राष्ट्रबरोधी गतिविधिं च मुलबबस संगठन करार दिता ऐ।

## Anna Mela

इंडियन इंस्टीच्यूट ऑफ मैनेजमेंट यानि आई.आई.एम जम्मू पास्सेआ दलित इंडियन चेंबर ऑफ कामर्स दे सैहयोग कन्नै कल जम्मू च श्री अन्न मेले दा आयोजन कीता गेआ। इस कार्यक्रम दे राहें बकख-बकख सरबंधत धड़ें गी इक्के मंच पर औने ते प्रदेश दी समृद्ध जैविक बन-सबन्नता ते राईबाई सरबंधी तौर तरीकें ते मुट्टे अनाज दी समर्थ दा पता लाने गितै इक सांझा मंच हासल करोआया गेआ। इस मौके पर वक्ताएं, सब्बनें गी गुजारश कीती जे ओह मुट्टे अनाज गी अपनी खुराक दा हिस्सा बनान ते सेहतमंद जीन जींदे होई गलत खान-पान थमां परहेज करन।

## ADC-Jammu

जम्मू दे अतिरिक्त जिला विकास कमिशनर हरविंद्र सिंह होरें औने नरातें राम-नौमी ते देशैरे लेई कीत जा रदिएं तयारिएं दा जायजा लैता। उनें जम्मू मुनिसिपल कारपोरेशन, लोक निर्माण ते जल शक्ति विभाग गी शैहर दे मुख मंदें च पूरी साफ-सफाई ते पीने आले पानी दी उचित बवस्था गी यकीनी बनाने दे बी निर्देश दिते। बिजली विकास योजना गी बी बिजन कट दे सब्बनें मंदरें च बिजली मुहैया कराने दे निर्देश दिते गए। बाहू फोर्ट ते झांकी आली थाहरें पर लोडचदी मेडिकल सहूलतें दी मौजूदगी ते बाहू फोर्ट च ट्रांसपोर्ट सेवा बदाने लेई बी निर्देश दिते गए।

## Freak-Rajouri

राजौरी जिले च कल इक फौजी केंद्र दे अंदर होई दी घटना च फौज दे 3 अफसरें सनें कुल 5 कर्मी जख्मीं होई गे। खबर एजेंसी पी.टी.आई दी रिपोर्ट मुजब एह घटना उसलै पेश आई जिसलै राजौरी दे इक फौजी कैंप दे अंदर इक फौजी अधिकारी नै कथित तौर पर ग्रेनेड फटाली दिते। उआं फौज दी व्हाइट नाइट कोर नै सोशल मीडिया मंच-एक्स पर जारी इक स्नेह च आखेआ ऐ जे चानचक्क होए दे ग्रेनेड धमाके च इक फौजी अफसर जख्मीं होई गेआ जेदी हालत शुरूआती इलाज मगरा स्थिर दस्सी जा करदी ऐ। मामले दी जांच जारी ऐ।

## Kishtwar

किश्तवाड़ दे डिप्टी कमिश्नर, इंचार्ज ए.डी.डी.सी शाम लाल होरें कल क्षेत्र विकास योजना बरे 2023-24 लेई जिला कैपेक्स बजट तैहत कम्में-कारवाइयें दी प्रगति दा जायजा लैने लेई किश्तवाड़ दे ग्रामीण विकास पंचैती राज विभाग दे अधिकारिणं कन्नै इक मीटिंग लोआई। इस दौरान क्षेत्र विकास योजना तैहत कीते जा रदे कम्में दी माली ते ठोस प्रगति दा जायजा लैता गेआ। डी.सी होरें जमीनी सतह उप्पर शुरू होए दे कम्में, मुकम्मल कम्में, टेंडरिंग ते होर दुए मुद्दें दा बी जायजा लैता। इस दौरान उनें अधिकारिणं उप्पर जोर पाया जे सब्बनें कम्में गी समें उप्पर मुकम्मल करने लई लोड़चदे यत्न कीते जान।

## Amrit-kalash

अमृत कलश जातरा दा कल फलाएं मंडाल ब्लाक च सोआगत कीता गेआ। इस कार्यक्रम च पंचैती राज इदारे दे सदस्ये, मकामी लोके ते फौजी जवाने बी हिस्सा लैता। इस जातरा राहे सरहदी ग्राएं थमां मिट्टी किट्टी करिये देशे दी आजादी ते सुरक्षा लेई बलिदान देने आले शहीदे गी श्रद्धांजलि दिती जा करदी ऐ। ग्राएं थमां किट्टी कीती गेदी इस मिट्टी गी दिल्ली च अमृत वाटिका बनाने लेई इस्तेमाल कीता जाग।

<><><><><><>

CS

मुख्य सचिव डाक्टर अरुण कुमार मेहता हों आखेआ ऐ जे जम्मू-कश्मीर च पैहलकी सरकारे अयोग्य लोके गी ढाई लख शा मतियां नौकरियां गलत तरीके कन्ने दितियां हियां। उत्तरी कश्मीर दे कुपवाड़ा जिले च इक कार्यक्रम दौरान बोलदे होई मुख्य सचिव हों आखेआ जे लेफ्टिनेंट गवर्नर हुंदी अगुवाई च मजूदा प्रशासन गैर कनूनी ते गलत नियुक्तिएं पर रोक लाने लेई बचनबद्ध ऐ। उने आखेआ जे काबल नौजवाने गी नौकरिए दे मामले च उंदा हक दिता जाग जिसलै के अयोग्य लोके गी रोजगार दे होर दुए विकल्प तुप्पने होडन। मुख्य सचिव हों आखेआ जे पिछले त्रऊं बरे च जम्मू-कश्मीर दे नौजवाने गी 30 जहार नौकरियां दितियां गेइयां न।

Ramban

6 बरे दी बच्चे गी गोद लैने आहली एजेसी फुलवारी इक ऐसा केंद्र ऐ जेड़ा त्यागी चुके दे अनाथ बच्चे गी अपनांदा ऐ। समाज कल्याण विभाग आस्सेआ चलाए गेदे फुलवारी केंद्र रामबन गी कल महज 5 दिने दी बची हासिल होई। डिप्टी कमिशनर मुसरत इस्लाम हों जिला समाज

कल्यण अधिकारी राहुल गुप्ता हुंदे कन्नै पुलवारी केंद्र दा दौरा लाया ते उस घर च आए दे नमें सदस्य लेई उपलब्ध सुविधाएं दा जायजा लैता। डीसी होरें फुलवारी दे अमले गी बच्चे दी बेहतर दिक्ख-रिक्ख ते चिकित्सा जांच ते समें उप्पर टीकाकरण दे निर्देश जारी कीते।

Udhampur

उधमपुर दियां डिप्टी कमिशनर सलोनी राय होरें कल जिला परामर्श कमेटी दी मीटिंग लोआइयै पी.सी ते पी.एन.डी.टी कन्नू ते न्यायिक स्थापना, पंजीकरण ते विनियमन अधिनियम 2010 दी अमलावारी दा जायजा लैता। मीटिंग दौरान निर्देश दिते गए जे सब्बें अल्ट्रासाउंड क्लीनिकें ते चेचा करी दूर-दरेडे इलाके च मौजूद क्लीनिकें आस्सेआ केंद्री अधिनियम विनियमं दे अनुपालन गी यकीनी बनाने दा निरीक्षण कीता जा।

<><><><><><>

Marwah

संकल्प शपथ मुहिम तैहत आंकाक्षी ब्लाक मारवाह दे 76 आंगनवाड़ी केंद्रें च हफ्ता बर चलने आहले प्रोगामें तैहत पोषण मेले दा आयोजन कीता गेआ। इस कार्यक्रम सुपोशत परिवार पोषण मेला विशे उप्पर आधारित हा। एहदा उद्देश्य आंगनवाड़ी लाभार्थिं दे व्यापक कल्याण गी बढ़ावा देना, बच्चें दी वृद्धि पर निगरानी, गर्भवति महिलाएं दे वजन दी जानकारी, गोद भराई ते होर दुए लोइचदे मुद्दें दा बाददा विकास हा।

<><><><><><>

Sunderbani

राजौरी दे डिप्टी कश्मिनर विकास कुंडल होरें कल सुंदरबनी दे तहसील दफतर दा दौरा लाइयें कम्म-कारवाइयें दा जायजा लैता। इस दौरन उनें अधिकारिणं गी पूरी धनदेई कन्नै कम्म करने लेई गलाया तां जे खिते दे मुकामी लोके गी हर लोइचदी सेवा उपलब्ध कराई जाई सकै। डीसी होरें कुशल सेवा वितरण दी जरूरता पर बल दिता ते इसी जवाबदेही शासन प्रणाली लेई लाजमी दस्सेआ।

## JMC

जम्मू मुनिसिपल कारपोरेशन नै अपने आधिकारिक खेतर दे अंदर सब्बनै 75 वार्डे च 92 जहार 800 स्ट्रीट लाइटां लाइयां न। प्रेस विज्ञप्ति मुजब एह कम्म बिजली विकास विभाग ते घर मकान ते शैहरी विकास विभाग द बशकार त्रिपक्षीय समझौतें मगरा तोड़ चाढ़े गए। जेकर कोई स्ट्रीट लाइट कम्म नेई करदी तां लोक टोल फ्री नंबर 800-180-3580 उप्पर अपनी शकैत दर्ज कराई सकदे न।

<><><><><><>

## Cricket

आई.सी.सी क्रिकेट वर्ल्ड कप दे पैहले मैच च जंदी संझा अहमदबाद दे नरेंद्र मोदी स्टेडियम च न्यूजीलैंड नै इंग्लैंड गी 9 विकेटे कन्नै हराई दिता। इंग्लैंड दे 283 रणजें दे लक्ष्य गी न्यूजीलैंड नै छड़ी इक विकेट मोआइयै 36 ओवरें च गै हासल करी लैता। अज्ज हैदराबाद दे राजीव गांधी अंतरराष्ट्री स्टेडियम च पाकिस्तान दा मुकाबला नीदरलैंड कन्नै होग।

<><><><><><>